

受佛昇忉利天為母說法經卷中

被六

械古得反
衣襟也 痛癢下音
視也 嘴笑上音
也 反觀下音
也 四微下音
也 棚閣上音
叫也 許敷古暗反
步 善味古暗反
青紅色

佛昇忉利天為母說法經卷下

被七

西晉三藏法師竺法護初譯

於是賢者大目犍連咸請勸發於無央數億百千妓諸天子衆欲行天人色行天人各各疾取華香擣香雜香繒幡各往詣佛供養世尊前禮足下却住一面時目犍連還詣大聖聾首于地遷住佛前佛告目連汝聽如來所現神足正覺變化有經名曰如來感動威變善思念之目連應曰受教而聽佛告目連斯三千大千世界百億日月百億四大海百億須彌山王百億四天下是則名曰三千大千世界一佛國土於意云何佛為獨在一間浮

提成正覺乎莫作斯觀所以者何吾普悉遍諸四方面佛之世界順如所應為衆生類講說經法或已成佛或復自現從在胞胎或復示現在兜術天或復現身已滅度矣佛告目連於此三千大千世界在於東方去此萬二千四大天下四大之域則有世界名曰無垢其佛號曰離垢意如來至真等正覺現在說法斯四大域佛之世界所與衆生婬惱癡薄易可開化少菩薩學及辟支佛乘多諸聲聞又目犍連離垢意如來一一集會說經法時導九十九億諸聲聞等其土所化不別四證如此國土不說須陀洹斯陀含阿那含其彼世界一坐聽經證六神通至八脫門適獲神足踊在虛空四丈九尺身中出火還耶維已而般泥洹忽即燼滅無有烟炭其土如來常說經法未曾休廢救濟羣生亦無懈息諸聲聞等日日減度亦不販賣估作治產欲得飲食從意應至不傳口教衣食屋宅悉為化生

如忉利天皆自然生不由胞胎紫金爲地離垢意如來壽五百歲其土人民亦復如是亦有中天目連欲知彼界如來講說法者豈異人乎勿造斯觀所以者何則吾身是也佛之神足威變所爲則非一切聲聞緣覺之所能及也

佛告目連於斯三千大千世界南方去此十八四大域其四大域名曰寶成而以三寶金銀琉璃爲地爲樹有佛号曰寶體品如來至真等正覺現在說法但演宣示緣覺之法少聲聞乘諸菩薩學亦復薄劣及緣覺乘若使彼國土忽終沒者則生他方空佛境界成緣

補士二

覺道於目連心所憶云何寶體品如來講說經者豈異人乎莫造斯觀所以者何則吾身是如來於彼現威神變講說經法則非一切聲聞緣覺之所及知也

佛告目連於斯三千大千世界西方去此二十二四大域其四域名寶錦悉以七寶金

銀琉璃水精珊瑚琥珀碑碣碼礪合而成土地其境樹木衆寶化成經行棚閣欄楯苑囿皆以七寶其浴池中滿八味水清澄且美猶如堯術天上諸天宮殿飲食被服彼界人民亦復如是等無差特又其土地無女人名亦復不從女人生矣民人之類不興穢濁化生蓮

華結跏趺坐其土衆生無婬慾無貪欲想無瞋恚想無危害想亦無胞胎彼佛號曰寶成如來至真等正覺現在說法其佛所說不講異義但演菩薩法典之藏總持金剛分別三場奉修六度無極之行彼無央數不可思議衆生之類皆發無上正真道意不可計人得不起法忍授無量人無上正真道慧其界無有二乘之名聲聞緣覺之言行純有大乘無諸情欲一切鮮潔而無穢濁諸菩薩衆充滿世界其佛壽命八萬四千載世人終後不趣地獄餓鬼畜生不墮八難斯諸菩薩若遷神命即便往生清淨佛土現在佛所天龍鬼

神阿須輪捷陀羅迦留羅真陀羅摩睺勒心
皆同一志一切知諸通之慧不樂異義唯樂
佛法天龍鬼神形體被服舉動進止不可分
別唯名異耳天龍鬼神及世人民皆同一源
無有異流於目連心意之云何寶成如來豈
異人乎於彼境界講說經道開發教化一切
羣黎勿造斯觀也所以者何則吾身是斯即
如來神足變化則非聲聞緣覺之所及知也
佛告目連於此三千大千世界北方去是計
三十六四大諸域其四大域名無恐懼黃金
白銀交成其界彼土無有地獄餓鬼畜生之
患難也亦無八處之恐懼也人民所行無犯
禁戒及與邪見志性禮節調順無卒暴者亦
無外道衆邪異學之名聲也佛号無畏如來
至真等正覺現在說法其佛始往詣樹下時
須摩提等七十二姓諸魔往欲與佛戰又彼
如來爲菩薩時行無放逸成諸通慧魔便遮
往應時如來隨諸魔數化諸佛樹變諸菩薩

其數亦爾各各別坐於佛樹下時諸魔怪未
曾有何所爲審菩薩身者吾等當往妨廢所
興壞其道意諸化菩薩告衆魔曰一切諸法
皆如幻化於今仁者欲何所亂假使卿等能
分別了發於無上正真之道福德慶者若復
勸助使發道意遮發道意又來壞亂之罪疊
者卿等未曾乃復懷害諸魔又問發無上正
真道意及勸化人發大道者其福云何菩薩
答曰正使江河沙等諸佛世界滿中七寶以
用布施發道意者福德超彼又復正使江河
沙等諸佛國土所有衆生悉共供養一切施
安奉衆學者恣其所欲設復有人勸發道意
德超于彼又復問曰假使有人亂壞道意其
罪如何諸菩薩曰設復有人普取衆生挑其
瞳子罪寧多不答曰甚多報曰壞道意者罪
過於彼時無數億諸魔之衆聞此言說覩大
變化皆發無上正真道意皆以天華天香雜
香散華燒香奉諸菩薩鼓諸音樂百千之數

各歎頌曰願令聖衆疾得無上正真之道時
彼菩薩成最正覺尋有異天而舉聲曰斯諸
魔衆皆脫惡趣乃發道意如來爲施無恐懼
義以是之故如來名曰爲無所畏無所畏如
來豈異人乎莫造斯觀所以者何則吾身是
也佛言目連佛變斯名于彼世界是爲如來

感神之感則非一切聲聞緣覺之所能及

佛告目連於此三千大千世界東南去斯八
萬四千諸四大域其域名曰普錦綠色佛号
衆華如來至真等正覺現在說法彼四大域
種種妙好八品珍寶以成爲地交露寶幔其
地柔軟如上妙衣以珍爲草自然四寸遍布
于地足蹈其上則便陷偃舉足還復其地平
正猶苦如掌普錦世界有大城郭名曰上賢
人民熾盛安隱無患米穀平賤快樂不倫人
民繁滋其城東西長千二百八十里南北廣
六百四十里上賢大城人民所居衆多難計
復多於此安迦摩竭拘婁少國衆華如來常

遊在於上賢大城若一說法化三妓人得羅
漢證有三妓人至阿那含有三妓人至斯陀
含寂寞之行有三妓人得道迹證有三妓人
化緣覺乘又兩倍人皆發無上正真道意有
無數人皆殖衆德本彼四大域其境界中而
有一樹名蜜合常有華實其味甚美如百
波七五

味饌男子女人若取華實當食之者晝夜七
日飽不飢渴顏容姝好色中改變精氣充滿
勢力強盛形體輕便食是已後亦不大行亦
不小便無有涕唾土不耕種賈販求利服是
華實自然安隱亦無貧富飲食居宅等無差
特又彼如來諸聲聞等六十四億百千諸妓
諸菩薩衆復倍此數而彼如來所遊觀國名
曰普華佛所食處佛與聲聞諸菩薩衆適坐
飯頃尋時諸樹曲躬作禮有此華實自然來
入比丘鉢中飯食已竟有諸樹木復重作禮
服住如故佛言目連彼之世界功德巍巍乃
如是矣衆華如來則吾身是今續現在以此

名號講說經義則非一切聲聞緣覺之所能知也佛告目連斯三千大千世界西南方去此七大四域有四方界名曰選擇一一方域有八萬四千國一一國有八萬四千王一一王有八萬四千城其州域大邦郡國縣邑村落人民之衆億百千妓具足備滿斯一切王

棄去非法一一王者有八萬四千夫人妓女一切妓女國中第一爲眞玉女一一國王有五百子或有千二百子者一一諸王以正治國不加鞭杖刀刃不設各各教化不令而從佛名釋寶光明如來至真等正覺現在說法彼佛所遊歟四方域精舍香座高四丈九尺一座床香氣流布於四天下而雨天華散於釋寶光明如來上百千妓樂自然和鳴天地忽然爲大震動音聲如梵積累功德不可稱計百千之福爲轉法輪斷諸塵勞泥洹無垢名曰將護諸菩薩容如來說法爲四大以萬四千王住在宮中及諸妓人男女大小聞

了道義悉得遠塵離垢諸法法眼生諸王妻子中宮眷屬悉發無上正真道意皆同一音各自宣言志願出家如來勸讚悉使一時同作沙門若遊郡國縣邑丘聚村落造行亦不種作自然生粳米諸天悉來供養之其佛第一講法諸聲聞衆皆得立于須陀洹果諸菩

故七

六

薩乘皆逮信忍第二說法得斯陀含果諸菩薩乘皆悉逮得柔順法忍第三法會講說經典住阿那含諸菩薩學獲致五通第四說法立於羅漢諸菩薩學得不起法忍諸王中宮女子官屬皆轉女身得爲男子斯諸如來悉授其法皆當逮得無上正真之道於意云何

彼界如來名釋寶光明豈異人乎莫造斯觀所以者何則吾身是也以此名号于彼世界示現說法如來變動則非一切聲聞緣覺之所能知也

佛告目連於是三千大千世界西北方去此五十五大方域有四方域号名香土以上

妙好栴檀雜香爲闍浮提土地有樹名曰普
香一一樹者香聞四十里自然蓮華大如車
輪有無數葉香氣普流極柔軟好絕細綵衣
色不可計光暉煥煥生高二丈一一蓮華其
香之氣遍四天下香周無量香爲重閣香爲
經行池生蓮華無有郡縣國邑丘聚村落唯
有高臺無央數千滿其境界猶如第六無惱
樂天自然之物人民之安飲食遊居等無差
待彼土如來說經法時唯演清淨諸大人教
捨於聲聞緣覺之事神通菩薩周遍四方不
可思議諸菩薩衆逮得法忍諸菩薩中有菩
薩名曰變衆法王志願高妙獲威成三忍明

放七

神通辯才巍巍供養誓首歸命無央數億百
千諸佛變衆法王菩薩大士勸請世尊演說
經典佛即聽之宣揚道義即於佛前從座而
興高四百里因從毛孔悉放光明普照世界
自然化生微妙蓮華其色像貌生無央數億
百千葉徧布境界積四丈九諸天鼓樂不鼓

自鳴出八部音法印之聲一一法印總八十
四億經典之訓一一經典攝二萬二千香氣
之敏言從虛空中自然而建九十六百千億
人立不退轉當成無上正真之道皆遠得至
不起法忍諸菩薩衆如是比像周遍彼土其
境人民無有盲聾亦無跛蹇亦無惡色瑕穢
之難無貧匱者斯衆菩薩三十二相莊嚴其
身無有異樂以法爲樂亦不飲食服志禪定
以爲供養彼無八處及與惡趣假使壽終無
有別趣唯歸佛道佛言目連於意云何釋賢
光明如來則吾身是也如來于彼變化感動
則非一切聲聞緣覺之所能知也

佛告目連於是三千大千世界東北方去此
四十二四方大域有別大界名曰志危其土
人民婬慾癡盛憍惡堅貪手執刀杖無信嫉
妬犯戒瞋恚多爲徙倚懈怠慢突放心恣意
知時節不曉毒慚志性卒暴而無恭敬彼土

衆生顏貌變惡下劣卑賤相求長短欲相危害喜相罵詈誹謗相言風雨不時邪辭相教其地堅鞶鹿惡之眾荆棘汗穢周布土境斯諸人民形體顏貌似冰麻油草木藍色衣服醜陋飲食塵惡貧窮厄土石七凶人民憎念是天官殿人民之黨若得財寶悉沒王藏

彼土人民遭衆謂厄加之杖痛一類無差也佛言目連彼土人民勤苦之患現在如是假使命過終沒之後悉墮地獄餓鬼畜生其佛名曰心念愍哀如來至真等正覺講說經法現十八變而演典籍七百歲中無有一人受法教者其佛世尊不以懈厭興發大哀益加

微七

演經其佛若入郡國縣邑邦域村落人民見之皆共罵詈誹謗辱唾罵石打之彼如來尊歎開化故亦不退止時佛復於七百歲中說經八十四劫人皆得羅漢得阿那含斯陀含須陀洹各各亦復八十四劫悉於一日出作沙門受成就戒一切學者及不學者於

三月竟不樂餘談一日之中皆般泥洹又其如來續存處世復有五人學菩薩乘宿有餘豐生彼佛土遭勤苦惱佛為說經目連白佛言其土菩薩以何罪殃生彼土乎弊惡之處耶佛告目連菩薩以四事法生於惡處受干惱患也何等四假使菩薩慕供養利不學道法即生惡處復次目連菩薩又喜誹謗正法既自不學又止他人令不受持復次目連菩薩呵折他人斷不得共行誹謗之復次目連菩薩不護身口意者以是四法生於惡趣而受惱患佛言在彼世界講說經者則吾身是也如來現變感動感神則非一切聲聞緣覺之所知目連白佛如來至真唯於此三千大千世界現作佛事復於餘國異佛土平佛告目連今爾所見世尊示現與聲聞俱吾又復於斯三千大千世界百億四大域隨人所樂察其本志各為說法又佛於斯三千世界四方大域以梵天色像說法或如來像而現

微七

教化或現白衣不著袈裟或如帝釋示現說法或如四王轉輪聖王如是一切行權方便爲說經典如來于斯三千大千世界各各隨心之所喜樂所應度者衆生之類而爲說法開化之也及在他方無量佛土一切聲聞緣覺之乘所不能知也如日月宮而不動移普悉現于郡國縣邑村落丘聚州域大邦如來若斯自於佛土而不動搖則便皆現於無央數諸佛國土隨從羣黎本志所應爲說經典目連白佛言今所現佛何所審實忉利天上間浮提者諸天宮中三千大千城者在地方異佛世界說法者乎唯天中天當何因知審真佛者施何所佛祐大臣不可稱限佛告目連吾今問爾從意報之卿意云何猶如幻師化造化人爲男爲女何所審實目連答曰無有實者天中天所以者何幻祝術力化有所變悉無所有不可別知又問目連所可故化寧有所辯不乎曰辯之天中之天佛言如

是一切諸法亦如幻化不可別知等無差特亦不有作猶如幻師任力祝術多所化變所可化者等無差特佛亦如是以智慧聖而普示現諸佛國土所造平等而無差特悉爲佛事其有供養斯諸佛者建立福祐得言一等諸佛世尊無有差別是一切法悉無所生亦無有實猶如幻化法異亦無差別佛言目連如來發意之頃以一毛孔現江河沙等如來至真三十二相具足微妙自然顏貌隨形而化普爲說法而口宣示以六十音一切如來曉了衆生心之所行衆生羣黎心之所好悉知根源順諸羣黎而爲說法有所演說衆生悉受則除苦患斯諸如來皆以三品感動變化說衆經法悉以四辯分別之慧皆現佛德於目連意所趣云何何所如來爲第一尊形像威容初最勝耶化佛者乎佛所化如來耶目連答曰無有尊卑天中之天所以者何有所變動等無差別故也是故無異顏貌威容

辯才聖達神足說法有所度脫不可分別言
有差特也佛言是故目連當造斯觀其有自
然化現法者無有差特不可別知佛言目連
設了諸法自然化者則不分別言凡夫有異
況佛法乎所以者何目連一切諸法悉本清
淨諸法皆空人迷惑者反住衆想爲應不應

從其所喜而爲馳騁其法界者亦無所起亦
無所滅法界平等如來善解其有解斯悉於
間浮提衆生之類前化現諸佛形像相好及
諸比丘而令人民無覺知者置是目連間浮
提人也正使四方大須彌方域諸天人民及
餘所生羣萌伴黨如來現入一毛孔於諸人
中變化示現及與聖衆諸人各各不能相見
不知所入置是目連假使三千大千世界衆
生之類復令稍漸悉得人身一切羣生比丘
聖衆人民之黨如來普現於一毛孔不能相
知爲何所入也置是目連正所東方江河沙
等諸佛國土及於十方諸佛世界衆生之類

無量世界一切悉變逮得人身如來偏令一
切人民及與聖衆入一毛孔不使衆生知爲
所入也置是十方江河沙等諸佛國土羣萌
之類佛言目連今佛現在無量礙眼見諸佛
國能以具足聖達佛眼引若干變而爲譬喻
於百千劫說諸佛土不能究竟諸佛國土不
彼七

十一

十一

可限量又斯一切羣萌之黨悉令得道猶如
緣覺不能計數稱量知限何況聲聞唯有如
來能知多少國土所有廣狹大小遠近深淺
毫毛分寸分了微塵正使無量無限不可計
會江河沙等三千大千世界滿其中塵佛眼
無極以無量聖達皆見此諸佛國復過于
彼斯諸佛土所有羣萌不可限量人界若斯
衆生甚多多於地土斯諸衆生稍稍漸漸得
爲人身一切悉爲轉輪聖王一一聖王如彼
衆生眷屬之數亦復如斯一切聖王及與官
屬如來悉能各各現入於一毛孔及與聖衆
各不覺知不知所入也各見如來一切毛孔

普現佛身及與聖衆如來所現感神之變終不損耗正使一切不可計劫無量無限劫中現變如來威聖道德之光不可稱盡巍巍神妙乃如是也於意云何諸轉輪王及與七寶所獲功德寧增多不平答曰甚多甚多天中天無量安住佛言目連今吾告汝如彼一切衆生之類皆爲轉輪聖王與七寶福悉合集之不及如來所造成滿一毛之福德善之慶超出于彼無以爲喻也爾時賢者目連白佛言唯然世尊我得善利慧及餘福佛爲法師聖尊無限神妙乃爾威儀無極明達浩浩堂堂光暉無邊不可窮底又天中天有所興造無所損耗於一切法靡不暢達我以遺失如是之像無礙之慧其有衆生得聞若斯佛之所爲威聖之變一心能聞一句義者則得善利無極之慶何況信持諷誦讀者便當具足如斯神足發興無上正真之道如是等人當爲歸命天中之天無有恐畏不當復疑有向

惡趣爾時諸天龍神釋梵四天王從世尊聞佛所示現感動變化異口同音而咨嗟曰南無諸佛歸命世尊假使有人能發斯心清淨意者吾亦歸命爲之作禮興隆大道亦當逮獲若茲變化猶若如來之所感動也吾等不疑無猶豫結時天龍神捷陀羅釋梵四王五體投地歸命斯經則以恭敬稽首禮佛百千妓樂自然爲鳴散天青蓮芙蓉莖華遍忉利天佛說經時七十二妓天人昔者以來未起道心今皆發無上正真道意各自說言吾於來世於天上世間人民之前當暢宣顯大師子吼亦如今日如來所爲興發師子大吼之十三

被七

導於斯月氏天白佛言若有族姓子族姓女受斯經典持諷誦廣爲人說得何福祐佛言假令族姓子族姓女受斯經典持諷誦讀爲他人說當值三寶而不斷絕所以者何其聞經者不發聲聞緣覺之心唯志無上正真道意所以者何有學是經其人則好微妙之

義諸根明達靡不信樂是故天子當造斯觀
能受奉持諷誦讀其經典者爲護三寶令不
斷絕於天子意所察云何其護三寶使不斷
者設令千佛各壽一劫寧能歎盡其功德乎
答曰不能天中之天佛言以故天子當了知
之若有受持斯經典者德不可量也於斯慈

氏菩薩白佛言是經名曰何等何因持名佛
告彌勒是經名曰忉利天品佛現感動威神
之變奉持之佛言慈氏懇懃受持諷誦說者
若爲他人分別解義多所成就於衆人民若
斯像經流布天下甚難得值佛說如是月氏
天子月上天子慈氏菩薩賢者目連諸天龍
神阿須輪世間人民莫不歡喜作禮而退

十三

佛昇忉利天爲母說法經卷下

被七

燿滅上尼郭反販賣上方万反估作上音古中天下於

薄渺下息淺反棚閣上步萌反欄楯下時尹反苑囿上阮反于及

羌養獸曰園下音右種樹日挑其上土彌反瞳子上音童目中殊中于及

好足蹈上音昌朱反陷僵上威字去声下於阮羽鬼反賈販上音古賣方反跋蹇上必夫反鞞轂下病也居反厥其月反

徙倚上斯瓦刺也慢突下徒堅鞭下許近也骨反堅鞭下吾也貧匱下求乏也烽烽上紀力京也姝好

同用上呢字廣狹下窄也浩浩二胡道反荆棘下荆棘也貧匱下求乏也烽烽上紀力京也姝好